



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 4. De reprobatione instrumentorum per Testes.

[urn:nbn:de:hbz:466:1-73001](#)

scriptura dignior, quæ publica est, & magis authentica; ubi vero sunt penitus æqualia, contra eum judicabitur, qui, cum probare debuisset, in probatione defecit.

§. 4.

De reprobatione instrumentorum per Testes.

1910. **H**UIC quæstioni servit casus in c. cum Joannes 10. b. i. ubi in Rubrica ejus dicitur, quod falsitas instrumenti probetur per testes. Casus sic habet: Joannes eremitain Judicio coram Judicibus Viterbienibus à Petro petivit 130. libras Senenses ex causa mutui; & simul sibi tradidomum liberam & vacuam, ex causa factæ venditionis: Petrus reposuit, sibi debet Joanne 180. libras, & sic debitum ex causa mutui per compensationem extinctum esse; quia vero ad domum ut liberam, & vacuam Joanni tradendam condemnatus est: Petrus ab hac sententia appellavit, & venditionem domus a se non pure, sed conditionaliter factam esse, nimirum adjecto modo, ut dum vivaret, domum inhabitare posset, postea vero Joannis nepotibus cederet; & causa hujus venditioni adjecti oneris dominum minoris vendidisse, probavit per 4. testes, qui tamen dicebant, se non recordari anni, mensis, ac diei, quo venditio facta esset: at Joannes, ut probaret venditionem non conditionalem, sed puram fuisse, produxit instrumentum publicum, Tabellionem quoque, qui instrumentum confecit, & Testem unum, cuius nomen subscriptum erat.

1911. Ex hoc nata est dubitatio, cuius allegatis standum foret? pro Reo, dicebatur, quod, tametsi in litibus judiciariis parem probandi vim habeant instrumentum & testes; tamen non quodlibet instrumentum trium, vel plurium idoneorum testium depositionibus præferatur: ad hæc respondit Joannes: cum ipse per instrumentum intentionem suam fundarit, ac Petrus per modum exceptionis objecerit venditionem fuisse conditionalem, hoc vero

pertestes de certo tempore deponentes probatum non sit, ideoque non constet eos testificari de eadem venditione, quæ per instrumentum, ut determinato tempore facta, probata erat, hinc consequens esse, quod probatio ista pertestes inefficax sit ad intentionem Joannis elidendam.

Sed denuò replicavit Petrus, responsum Joannis non subsistere; siquidem utraque pars à Pontifice interrogata, in judicio confessa est, unicam tantum fuisse celebratam venditionem; apparere itaque ex testium depositione, eam fuisse conditionalem; cui nihil obstat, quod interrogatio à Pontifice facta sit post conclusionem in causa; siquidem Judget, qui usque ad prolationem sententiæ cuncta rimari debet, interrogare potest de facto, quotiescumque dubitatio incurrit; quibus auditis:

Pontifex definitive rescripsit: De consilio Fratrum nostrorum pronuntiamus, venditionem prædictæ domus fuisse conditionaliter celebratam, & te ob hoc nullatenus obligatum ad tradicionem ipsius, super hoc memorato Joanni silentium imponentes. Sententiam vero Judicum prædictorum, qui alias justè pronuntiasse noscuntur, cum hujusmodi exceptio coram ipsis nec probata fuerit, nec objecta, quoad dictum Capitulum infirmamus; eam quoad alios articulos auctoritate Apostolica confirmantes.

Ex hac decisione communiter deducunt Doctores, falsitatem, vel vitium instrumenti probari posse per testes sic, ut reprobetur; sic Vivianus in Rationali l. 2. juris Pontif. pag. 199. Alagona in Comp. juris Canonit. pag. 283. & alii. Sed in hoc dubium est, an resolutio procedat, ac ad derogandum instrumento publico sufficiat, si tantum duo testes contra instrumentum deponant? Deinde videtur etiam distinguendum, an testes deponant directè contra instrumentum? vel contra contenta in instrumento? si primum? (ut si testentur, vel contrahentem, vel testem inscriptum eo tempore alibi fuisse)

fuisse] videtur dicendum; sufficere duos testes ad illud reprobandum; ita Layman in dict. c. cum Joannes 10. b. t. n.

6. sicutem labefactatur fides scribentis; secus, si secundum; quod videtur ex eo colligi, quia in casu praesentis c. ubi dicitur: *et si eandem vim obtineant instrumentorum fides, & depositiones testium in litibus exercendis; non tamen quodlibet instrumentum tanti esse debet, ut trium, vel plurimum testium depositionibus preferatur.*

193. Ubi, ut asserti nostri probatio ex hoc desumpta, recte intelligatur, not. verum esse, quod textus seu verba ultimò proposita, *sunt partis*, seu Rei, assumpta pro sui defensione; Pontifex tamen ex illis motus contrainstrumentum pronuntiaverit, *quoad contentum in illo articulum, de venditione, definiendo, fuisse conditionalem*; prout deponebant testes; non absolutum, prout continebat instrumentum; quo etiam constat, depositiones testium fuisse contra contenta in instrumento. Cum ergo in hoc casu dicitur instrumentum non debere præferri *tribus vel pluribus testibus* in contrarium deponentibus; videtur facili insinuari, hoc non procedere, si solùm pauciores *tribus*; nam in dubio instrumentum publicum facit testimonium publicum; in casu autem isto solùm deponiebant testes directe contra *contenta* in instrumento, non contra *instrumentum*; ergo.

194. Dices: ut una probatio vincat aliam, oportet quod ea sit validior, fortiorque; nam alias, si æquales sunt, neutra prævaleret, c. in nostra, de testibus; Sed testes, & instrumenta parem vim obtinent, c. i. de testibus: ergo instrumentum non potest reprobari per testes, cum sit æqualis probatio instrumentorum, ac testium. Accedit, quod, si per testes reprobari possit instrumentum, posset refelli per ordinarium numerum testium, videlicet duos, aut tres, ex c. in omni 4. c. licet, de testibus: sed requiritur major testium numerus in hoc textu, ibi: *& plurimum idoneorum testium*; igitur quia instru-

mentum per legitimam, & ordinariam testium probationem elidi, aut refelli non potest.

Resp. transmissa majore quoad præsens dist. min. sed testes & instrumenta parem vim obtinent, in quocunque numero, vel qualitate testium, ac instrumentorum, N. in certo solùm numero, & qualitate testium, & instrumentorum, trans. min. N. conseq. Dico igitur, cum depositiones testium directe impugnant instrumentum, prævalere duos testes idoneos; & tali casu instrumento non inesse parem vim depositionibus testium; si autem solùm contenta in instrumento, ut prævaleant contra instrumentum, requiri tres, vel plures, ut dictum est à num. 193. saltē, quando in favorem instrumenti deponit ipse Notarius, qui conscripsit; & alius testis, qui subseripsit: quāvis alii existent, in utroque casu id relinquendum arbitrio Judicis, cui tunc præ altero sit deferendum: sic Menochius de arbitrariis, casu 105. num. 42: quod procedit saltē in casu, quo contra instrumentum producuntur testes extranei, seu non inscripti instrumento:

Si dicas, in c. ad audientiam, de præscript. probatio per instrumentum præfertur probationi quæ fit per testes; ergo instrumentum per testes reprobari non potest; Resp. dist. conseq. quando instrumentum substantialiter petit scripturam, C. si ad sui substantiam non petit scripturam; N. conseq. In dicto c. ad audientiam casus erat de instrumento privilegium continente, quod, in quantum est ad vim probandi, substantialiter petit scripturam; & hoc procedit indefinite, ut instrumentum, quod ad sui substantiam, in quantum explicat vim probandi, vera esse, quæ in ipso continentur, petit scripturam, non reprobari per testes; sed alio instrumento; ut notat gloss. in c. ad audientiam V. magis: secus, si quis ipsum instrumentum directe, ut falsum impugnaret; sic Baldus in L. 1. C. Plus valere; & alii.

1916. Instabis : in c. cum Joannes 10. b. t.

per testes à Reo convento productos reprobatum fuit instrumentum à Joanne productum ad probandum venditionem fuisse puram , quod expresse in eo contentum erat ; & tamen testibus contra hoc punctum in instrumento contentum deponentibus , non fuisse puram , sed conditionalem , contra instrumentum delatum est ; ergo instrumentum etiam quoad contenta in illo per testes , contrarium illis depONENTES , reprobari potest : Resp. dato ant. dist. conseq. ergo instrumentum , quod etiam [in quantum probativum] ad sui substantiam non petit scripturam , quoad contenta in illo , per testes reprobari potest ; dato : quod exigit scripturam , N. instrumentum autem à Joanne productum fuit super contractu emptionis , & venditionis , qui nec quoad vim probandi essentialiter petit scripturam .

1917.

Ex dict. c. cum Joannes colligi etiam potest ratio , cur Pontifex ortā dubitatione , cuius partis probationi deferendum sit ? non potius in concordiam eas reduxerit ? Resp. enim propterea , quod ex partium confessione constabat , unam tantum fuisse venditionem , adeoque illam non posse esse puram , & conditionalem simul quod tum intendebant probationes partium ; ac consequenter unam earum necessariō deficeret à vero ; & quoniam controversia continebat duo puncta , nimirum quæstionem debiti à Petro compensati ex venditionis pretio ; & quæstionem , an venditio esset absoluta , vel conditionata ? in quibus Judices inferiores pronuntiarunt , & pro compensatione bene facta , & pro venditione , quod esset pura , Pontifex approbando primam partem sententiæ eorum , & reprobando secundam , ipso facto demonstravit , quod Judex appellationis sententiam Judicis à quo possit approbare in parte , quâ bene judicavit ; & reprobare in alia , quâ male .

ARTICULUS VI.

Qam vim probandi habeant Bullæ Pontificum , non insertæ corpori juris ?

E Piscopus Heliensis hanc quæstio- 1918 nem movit apud Innocentium III. querendo , quibus in judiciis fides adhibenda sit Decretalibus , de quarum auctoritate Judex potest non immixtò dubitare , cùm plures inveniantur in compilatione Scholarium , & allegentur in causis , de quibus per bullam non constitit , nec ipsæ per Metropoles insinuatæ fuerunt ? cui rescribens Pontifex ait : quia igitur sæpe contingit , quod etiam coram nobis hujusmodi Decretales proponuntur , quas esse authenticas dubitamus , fraternitati tuæ benignius respondentes , auctoritate præsentium duximus statendum , ut cùm aliqua Decretalis , de qua Judex merito dubitet , allegatur , si eadem juri communi sit consona , secundum eam non metuat judicare ; cum non tam ipsius , quam juris communis auctoritate procedere videatur . Verum , si juri communi dissensa videatur secundum ipsam non judicet , sed superiore consulat super ipsam ; sic c. Pastoralis 8. b. t. De hoc etiam agitur in c. Si quandoq. de Rescriptis , ex quo communiter deducitur hæc conclusio : si rescriptum Principis contineat aliquid contra jus expressum , aut ex cuius executione scandalum sequatur , reverenter est accipiendum : in ejus tamen executione supersedendum , donec Princeps consulatur .

Pro explicatione dictorum iurium 1919 not. 1. constitutiones summorum Pontificum , necdum insertas corporei juris canonici , Extravagantes appellari ; not. 2. per jus commune hic non intelligi tales extravagantes ; sed eas tantum Decretales , quæ hunc insertæ sunt corpori juris ; ut notat Gonzalez ad c. Pastoralis 8. b. t. num. 1. & Abbas ibid. not. 2. Not. 3. quod Epistolæ Decretales , etiam particulares , ad unius personæ instantiam , vel interrogationem editæ , jus faci-